

## 供奉上師儀軌

梵云：咕嚕布雜撒雅嘎巴

藏云：喇嘛曲悲邱喀

漢云：供奉上師儀軌

## 南無具德釋迦獅子

《佛母寶德藏1》云：「如是一切諸佛法，功德皆從善友得。」尊主噶當派2云：「一切口訣總攝之首，即是不捨賢德師友；從彼信與菩提心等，功德萬源所集寶藏。」達波仁波切3云：「上師的一點聖化4都不入的話，這心性看也看不見，取也取不出，遮也遮不住，這自相，斷也斷不掉，毀也毀不去，因此，想要積資、想要淨障、想要除礙、於心生悟、想要威攝顯相、想要圓滿自他二義者們，唯有做到親奉、祈請、獨尊上師之外，別無他法。」莫究巴5云：「大悲觀音衲白就白，淨尊母衲紅就紅，黑金剛6衲藍就藍，我呢！在哪兒都不離上師的顯相，所以，一生成佛是能得來的。」

由前經證知，此生來世一切眾善基礎，一切道之根本，增益一切覺證之至勝，增上生決定勝之舵手，一切口訣根源，唯是上師善知識。若能知曉原因，而向上師生起如理虔敬，即能見法性之義。《寶性論》云：「自生諸佛之勝義，唯是依信所證悟。」故當勤修一切賢善之根本，上師供養修持。其理如是：加被大地與供品。迎請福田善蒞臨。沐浴淨拭嚴塗香。頂禮供讚與懺悔。皈依發心與隨喜。請轉法輪請住世。普皆迴向願吉祥。此乃法行二十支。

## **阿底峽尊者7皈依發心法：**

諸佛正法聖僧眾，直至菩提我皈依，以我布施諸善行，為利眾生願成佛。

## **聖化大地住處：**

以三寶聖言量。加被。二資糧圓滿之力。法界自性之功德。佛菩薩之清淨佛土加行等佛土畢竟清淨力。由吾等虔信之力。莊嚴陳設如一切佛土。具一切圓滿功德。大地眾寶自性如掌平整。地域遼闊廣大。觸即輕軟安樂。無垢光明。諸種蛇心旃檀香味芬芳之天人花朵鋪陳。珍寶欄柵周匝圍繞。金銀珍珠細粒各散。鴈波羅花。君陀花。蓮花優美柔軟遍滿。各種水鳥出妙樂音。歡悅繚繞飛舞。莊嚴諸八功德海。湖

與池。珍寶如意樹。天人寶。珍珠寶鬘。珍寶垂掛。花朵飄動。果實豐碩成熟欲滴。金鈴自然搖動出正法音。羅列莊嚴大地。住最勝光曜七寶莊嚴。放大光明普照一切無邊世界無量方所。妙飾間列周圓無際。其量難測超過三界。所行之處勝出世間。善根所起最極自在。淨識為相如來所都。諸大菩薩眾所雲集。無量天龍藥叉健達縛阿素洛揭路荼緊捺洛牟呼洛伽。人非人等常所翼從。廣大法味喜樂所持。作諸眾生一切義利。滅諸煩惱災橫纏垢。遠離眾魔過諸莊嚴。如來莊嚴之所依處。大念慧行以為遊路。大止妙觀以為所乘。大空無相無願解脫為所入門。無量功德眾所莊嚴。大寶花王眾所建立。大宮殿中。寶蓮花墊獅子座上，導師世尊釋迦牟尼佛周圍最勝士夫，有馬、密、達三祖師等印藏賢哲聖眾，有大成就瓊布南覺等金法之法脈，美、鄂、楚等解傳法脈，惹窮巴等耳傳法脈，四大八小等修傳法脈，願一切親教師友海水匯聚圍繞齊住於位，各各聖者合宜成就其勝願、威勢，唯是華嚴。

### 加被供品

一切內外。相稱身分種性。合宜天人之淨妙資具。具足悅意香。味。觸等。珍饈。啖食。美食。舔食。飲食。吮食等陳設諸種殊勝供食。衣服。嚴飾。樂音等諸種勝優。具足三聚經。普賢行願中所出之一切廣大供雲大海遍滿嚴飾。願一切聖者亦匯集而如是加被飲食受用。喻南摩巴軋瓦帝 班雜薩惹扎瑪達尼 大它噶達雅 阿爾哈帝桑雅桑不達雅 諦雅它 喻邊則邊則瑪哈邊則 瑪哈諦奏邊則 瑪哈必雅邊則 瑪哈不地基達邊則 瑪哈不諦敏周巴桑扎瑪那邊則 薩爾瓦噶爾瑪阿哇熱納必修達那邊則娑哈

### 迎請

吉祥無比釋迦王聖僧海會弟子無邊眷屬聖眾。為我等一切眾生清淨垢染。增長福德

而迎請。祈以大悲敦請。發意趣降臨今時。復因通達萬法而成正覺。以正覺日光明觸而般若之蓮開顯。三摩地遍滿。如日光遍照於蓮池。由頂髻中普生光明壇城恆時無餘處以為莊嚴。藥叉主者之頂髻大寶入佛足趾而說法。導引入寂靜之道。導引世間。摯友知己。明澈如燈縵羅列。金塔安置。我之心鏡自性生如是殊勝稀有。珍寶宮殿寶藏無盡。迎請降臨祈賜加被。

一切無餘眾生之怙主。降伏兇惡魔軍之天神。

一切所知萬物盡無餘。世尊眷眾此處祈降臨。

佛世尊於無量之劫數。慈憫眾生故而修大悲。

發弘誓願意趣盡承辦。於此汝思利益眾生時。

故由法界任運宮殿中。示現諸種神變之聖化。

故為度脫無邊有情眾。一切主者眷屬眾祈臨。

有情怙主具悲眼。於離戲論之法身。

以色身相而起身。為眾生義祈降臨。

於此世尊善來臨。我等福德賢劫具。

為是受用我等供。此處降臨祈安坐。

等同一切三千界。百瓣蓮花具花蕊。

悅適寬廣善供養。隨意順適而安坐。

**以法螺供水灌注至皿，以此濯足水與奉足供品等供養淨足**

如恆河水流。阿剛母亦不斷。以此無上供。以大悲心祈納受。願淨我。與一切無邊有情。諸念想。而得如來善逝清淨身。以新鮮芳香。具花茅草。淨拭雙足。

如恆河水流。濯足水不斷。以此無上供。以悲心意祈納受。願淨我。與一切無邊有

情。昏沈。掉舉。垢染。得淨神足通。

### 侍浴

世尊。如來。阿羅漢。正等覺。明行圓滿。善逝。世間解。無上士。調御丈夫。天人師。佛。薄伽梵。以具一切資具向彼獻供侍浴。

馥郁一淨室。晶地亮瑩瑩。寶柱生悅意。珠蓋頻閃爍。

備諸珍寶瓶。盛滿妙香水。洋溢美歌樂。請佛佛子浴。

此勝侍浴具吉瑞。大悲之水為無上。

以此聖化般若水。隨願成就祈賜予。

如似高山而端嚴。淨妙功德為莊嚴。

於彼珍寶侍奉處。我為澡浴而侍奉。

大悲之心定遍滿。恆時常行利樂業。

於此最勝調柔者。我今侍浴以為供。

### 侍浴已

香熏極潔淨。浴巾拭其身。

### 淨拭

拭已復獻上。香極妙色衣。

亦以細柔服。最勝莊嚴物。

莊嚴普賢尊。文殊觀自在。

### 供衣飾

香遍三千界。妙香塗敷彼。猶如純煉金。發光諸佛身。

## 塗身。積聚資糧行頂禮

隨所障縛盡斷卻。諸外道眾盡降伏。

摧滅波旬魔軍眾。頂禮獲得勝菩提。

人中之尊調御者。斬斷結縛善如來。

根淨善令他寂靜。頂禮住舍衛城者。

功德珍寶齊匯聚。相好智慧畢淨身。

人天應供金色相。頂禮世尊天中天。

## 玲惹巴 8 所著上師供儀

輪迴之過患。念即能消除。獲無上菩提。南無上師足。

眾無名愚癡。昏黯得消除。如豔陽壇城。南無上師足。

何種輪迴苦。熱惱盡消除。如明月壇城。南無上師足。

任何貪欲等。煩惱病消除。猶如大醫王。南無上師足。

隨無漏大樂。度往尊聖城。猶似勝寶馬。南無上師足。

於生老病死。大河而度脫。猶如大船王。南無上師足。

隨有情欲求。如意滿所願。如大摩尼寶。南無上師足。

隨於一切法。無離合遍住。如虛空心量。南無上師足。

隨所言光芒。盡我等蒙昧。綻放心中蓮。南無上師足。

## 供養 《諸佛菩薩名稱經 9》云：

菩薩由廣大福德而出生之無等等供養。最勝。最要。清淨。殊勝。賢善。圓滿。無上。無等等盈滿十方一切器世間。以法供養。過去。現在。未來。尊勝三寶。盡未來際。無有中斷，將行供養。承侍。恭敬。侍奉。歡喜。

## 五供養（每偈後接發心）

聖者海之供品而成就。淨土海之繁花海會聚。

功德海之如來眷屬眾。誠心海之供養祈納受。

願我與無邊一切有情眾生。具足七菩提分。

聖者海之供品而成就。淨土海之薰香海會聚。

功德海之如來眷屬眾。誠心海之供養祈納受。

願我與無邊一切有情眾生。清淨律儀。具正尸羅。

聖者海之供品而成就。淨土海之供燈海會聚。

功德海之如來眷屬眾。誠心海之供養祈納受。

願我與無邊一切有情眾生。消除無明昏黯。具一切智慧燈。

聖者海之供品而成就。淨土海之香水海會聚。

功德海之如來眷屬眾。誠心海之供養祈納受。

願我與無邊一切有情眾生。以三摩地水。清淨散逸垢染。得喜樂意足。

聖者海之供品而成就。淨土海之神饑海會聚。

功德海之如來眷屬眾。誠心海之供養祈納受。

願我與無邊一切有情眾生。消除饑饉之苦。具如意飲食。

## 五妙欲

如來無漏資財得自在。為眾生義供養五妙欲。

等虛空界一切有情眾。受用無盡福德之寶藏。

## 七珍寶

人王此等七珍寶。佛與佛子盡無餘。以我陳設意供養。眾生受用無盡藏。

## 八瑞物

梵天戰勝阿修羅。八吉祥天女獻供。諸如來與菩薩眾。我亦獻上八瑞物。

## 八吉祥

怙主大悲而加被。由福德因生輪寶。隨奉彼於剎那頃。願轉正妙之法輪。

怙主大悲而加被。無垢美妙吉祥結。隨奉彼於剎那頃。願具遍一切智慧。

怙主大悲而加被。珍寶精華滿寶瓶。隨奉彼於剎那頃。願福德圓為莊嚴。

怙主大悲而加被。無染清淨此蓮花。隨奉彼於剎那頃。願輪迴過無染著。

怙主大悲而加被。無垢潔白大法螺。隨奉彼於剎那頃。願鬥爭敗法音揚。

怙主大悲而加被。無染清淨此金魚。隨奉彼於剎那頃。願度脫大輪迴海。

怙主大悲而加被。聖救護端嚴寶傘。隨奉彼於剎那頃。願為一切聖救護。

怙主大悲而加被。正法不衰聖幢幡。隨奉彼於剎那頃。願豎不衰正法幢。

## 供神饌（以虛空藏而加被）

色聲香味觸。此最勝勝食。吾以信供奉。隨意請納受。

百味珍饌意歡悅。善合妙味佛子眾。以信供奉願眾生。受用富足禪定食。

世尊伏魔證菩提。雖佛尊身無饑渴。為成吾等福田境。以奉珍饌妙味食。

恆時善果得增長。極樂淨土蓮花生。願享三摩地法食。

清淨正等覺佛。周圍菩薩僧伽眾所圍繞。以各種妙食。菜餚。湯品。珍饌。奶酪等

圓滿天供。盛滿妙香水之寶瓶等。祈攝受吾與施主等一切眾生。令安置於無上正等

正覺果位。

## 五部聚

尊怙威德巍然住。具獲福智與五身。供養精妙五五部。願有情得如來藏。

以奉五穀。願一切眾生世間之穀物豐盛。恆時善果增長。

以奉五寶。願如意寶滿一切眾生之欲求。具圓滿富足。

以奉五藥。願一切眾生遠離四百四種病苦。以大悲藥解三毒病。

以奉五精華。願一切眾生具足真實性藏。

以奉五味。願一切眾生以禪定水淨諸散逸垢。喜樂意足。

**復於供品有大成就者鈴惹巴所著上師供養儀軌云：**

虛空日月星曜虹。華雲並與朝霧等。極莊嚴而意爽朗。奉予珍寶勝士夫。

高廣山與眾丘壑。雪山藥山寶山等。隨願所生一切山。奉予珍寶勝士夫。

珍寶大地稻穀熟。林苑廟宇殿堂等。猶似王城圓滿聚。奉予珍寶勝士夫。

大越量宮有涼亭。門樓牌坊眾寶嚴。彼等殊勝妙稀有。奉予珍寶勝士夫。

佛殿並與皇宮殿。房舍鄉鎮市城國。優美妙舍盡所有。奉予珍寶勝士夫。

華蓋傘幢與飛幡。飄帶搖曳幡旗縵。簾幕等特勝嚴置。奉予珍寶勝士夫。

金銀銅鐵與珍珠。琉璃碑渠與水晶。珊瑚等一切妙寶。奉予珍寶勝士夫。

大海河水與溪流。湖池水塘與泉眼。清澈具八功德水。奉予珍寶勝士夫。

稻穀草芽與水果。具香味滋養有情。根門行處諸稀有。奉予珍寶勝士夫。

旃檀龍腦紅花等。味與力用不思議。一切除病之藥相。奉予珍寶勝士夫。

勝食材緣善調和。嚼食啖食舔及飲。世間勝食盡無餘。奉予珍寶勝士夫。

世間最極華美衣。勝妙著身極柔美。各式無量盡所有。奉予珍寶勝士夫。

三十三天與梵天。俊美男女眾圍繞。受用妙欲之一切。奉予珍寶勝士夫。

阿修羅龍及藥叉。乾達婆王男女等。眷屬受用盡稀妙。奉予珍寶勝士夫。

轉輪王自在人王。后妃皇子七珍寶。饒勇軍隊盡所有。奉予珍寶勝士夫。

邦國及凡夫男女。童男童女著華服。彼等眾寶所嚴飾。奉予珍寶勝士夫。  
獅子牛王大力等。鹿王美麗獸畜等。行於茂林山路眾。奉予珍寶勝士夫。  
駿馬大象與車乘。世間最勝之駕車。力足速行彼一切。奉予珍寶勝士夫。  
鵬鳥王迦凌頻伽。孔雀杜鵑黃鴨鶴。悅耳美妙眾鳥禽。奉予珍寶勝士夫。  
天人受用受持者。無受持諸自然物。所有堪能妙受用。奉予珍寶勝士夫。  
外器世間越量宮。內情眾生化現類。一切美妙之樂音。奉予珍寶勝士夫。  
我之一切身與財。等虛空際有情眾。盡一切供勝士夫。大悲納受祈救怙。

### 修證供

善聞供水海妙遍。鮮豔智花盡盛放。清靜律儀薰煙冒。說法燈火啟白晝。  
辯證滅過塗香滿。禪定百味神饌設。著作善韻悅耳樂。聖眾欣悅此等供。  
無上師佛菩薩眾。堪供救怙行供養。一如最勝導師教。因乘果乘於諸土。  
恆時不衰助輝耀。供養噶舉師尊眾。

### 獻奉三十七供曼達

喻邊紮布米阿吽

極清淨大自在黃金之地基。喻邊紮惹喀啊吽。外以鐵圍山圍繞。中央為山王勝須彌  
山。東聖身洲。南瞻布洲。西牛貨洲。北俱盧洲。身洲。聖身洲。拂洲。別拂洲。  
小行洲。聖道行洲。俱盧洲。俱盧月洲。寶山王。如意樹。滿願牛。自然稻。輪寶。  
如意寶。后妃寶。臣寶。象寶。馬寶。將軍寶。鉅藏瓶。嬉女。鬘女。歌女。舞女。  
花女。燃香女。燈女。塗香女。日。月。寶傘。威攝十方尊勝幢。曼達中央。一切  
天人清淨。吉祥。圓滿之珍寶。莊嚴羅列無量無邊塵數海。上師。本尊。諸佛。菩  
薩。勇士。空行。護法。守者眾。咸供養。祈以慈悲利眾而納受。受已祈請賜加持。

**讚供次第** 《佛說護國尊者所問大乘經》云：

稽首我佛真金色。相好最上面如月。功德智慧無等倫。

永離三有常清靜。頂禮無等大智者。

#### **四魔女讚如來**

清淨身具妙色相。智慧海如妙高山。名聞三界音嘹亮。禮讚至尊怙主您。

#### **四天王讚佛偈**

**金光明經** 北涼三藏法師曇無讖

佛月清淨。滿足莊嚴。佛日暉曜。放千光明。如來面目。最上明淨。齒白無垢。如蓮華根。功德無量。猶如大海。智淵無邊。法水具足。百千三昧。無有缺減。足下平滿。千輻相現。足指網縵。猶如鵝王。光明晃耀。如寶山王。微妙清淨。如鍊真金。所有福德。不可思議。佛功德山。我今敬禮。佛真法身。猶如虛空。應物現形。如水中月。無有障礙。如焰如化。是故我今。稽首佛月。

#### **上師供養功德源云：**

其身無量數。亦如虛空處。盡自在無減。禮讚金剛身。  
由空而變化。五大自生尊。廣大神變者。禮讚金剛身。  
無為而任運。無實實性者。無色妙色勝。禮讚金剛身。  
初終無來去。無生滅合離。利生而化示。禮讚金剛身。  
神變幻化身。行諸幻化舞。賜與解脫果。禮讚金剛身。  
各各幻化身。於世間無量。欲求悉圓成。禮讚金剛身。  
乃至輪迴盡。身業無間斷。悲勾導眾生。禮讚金剛身。  
無言詮性中。梵天等妙音。響徹十方所。禮讚極淨語。

三有諸眾生。滿足其耳根。順一切心意。禮讚極淨語。  
各各言詮語。滅除無明黯。展示解脫道。禮讚極淨語。  
息等諸行業。尊口甫道出。即如理成辦。禮讚極淨語。  
深廣之佛音。斬斷疑惑網。予意樂明朗。禮讚極淨語。  
有情諸欲求。以大悲願力。獲富足圓滿。禮讚極淨語。  
神變自生語。虛空萬有處。法音自宣流。禮讚極淨語。  
蘊界十二觸。能所二執等。萬念盡解脫。禮讚本智意。  
不思議無量。無計亦無數。無等無譬喻。禮讚本智意。  
諸輪涅萬法。心意盡遍知。如虛空無染。禮讚本智意。  
種種世間行。視如世俗幻。徹知無生滅。禮讚本智意。  
三時諸所知。無生亦無基。剎那遍了知。禮讚本智意。  
無生亦無滅。無緣無所住。無相之性相。禮讚本智意。  
清靜離戲意。斷過大悲性。行佛事業者。禮讚本智意。

### 懺悔罪業 《諸佛菩薩名稱經》云：

吾等於今生。無始往昔。盡未來際，三有輪迴流轉，以貪瞋痴三毒。發身語意門。  
而行十不善。五無間等。相違一切佛典。諸不善業。若自作。若叫作。見作隨喜。  
諸極細微。我今無餘發露懺悔。罪障淨蠲。消散拔除。不覆不藏。不近諸罪。終不  
造惡。

### 復念三蘊經

佛說三十五佛名禮懺文一卷(出烏波離所問經)

開府儀同三司特進試鴻臚卿肅國公食邑三千戶賜紫贈司空諡大鑒正號大廣智大興善寺三藏沙門不空奉 詔譯

南無釋迦牟尼佛。南無金剛堅固能摧佛。南無寶焰佛。南無龍自在王佛。南無勤勇軍佛。南無勤勇喜佛。南無寶火佛。南無寶月光佛。南無不空見佛。南無寶月佛。南無無垢佛。南無離垢佛。南無勇施佛。南無淨行佛。南無梵施佛。南無水王佛。南無水天佛。南無賢吉祥佛。南無無量威德佛。南無栴檀吉祥佛。南無光吉祥佛。南無無憂吉祥佛。南無那羅延吉祥佛。南無花吉祥佛。南無蓮花光遊戲神通佛。南無財吉祥佛。南無念吉祥佛。南無善稱名號吉祥佛。南無帝幢幡王佛。南無鬪戰勝佛。南無勇健吉祥佛。南無勇健進佛。南無普遍照曜莊嚴吉祥佛。南無寶蓮花遊步佛。南無寶蓮花妙住山王佛。

如是等。十方一切世界中。諸佛世尊。出現世間。住持遊行。願皆觀察。哀愍於我。我或今生。或於餘生。無始時來。廣作眾罪。或自作。或隨喜作。或教他作。或偷盜佛物。四方僧物。或自作。或隨喜作。或教他作。或造五無間罪。十不善業道。或自作。或隨喜作。或教他作。由此業障。覆蔽身心。生於八難。或墮地獄。傍生鬼趣。或生邊地。及彌戾車。或生長壽天。設得人身。諸根不具。或起邪見。撥無因果。或厭諸佛。出興于世。如是一切業障。我今對一切諸佛世尊。具一切智者。具五眼者。證實際者。稱量者。知者見者前。我今誠心。悉皆懺悔。不敢覆藏。願我尸羅律儀。復得如故。復願諸佛世尊。攝受護念。證明於我。若我今生。或復餘生。無始時來。於流轉生死。或曾捨施傍生一團之食。或曾持一淨戒。或曾修梵行善根。或曾修少分無上智善根。悉皆合集。計校籌量。如三世一切諸佛。於最勝無上迴向願中。願皆迴向無上正等菩提。

一切罪懺悔 諸福皆隨喜  
及勸請諸佛 願證無上智  
過去及未來 現在人中尊  
無量功德海 我今稽首禮

**持守皈依發心戒 《龍樹菩薩發菩提心儀軌》云：**

一切諸佛菩薩善怙念我。某甲 XXX。為使如來氏族無中斷故，從今爾後，直至住於菩提藏，皈命正等覺佛兩足尊。具足大悲。遍知一切。照見所有。離一切懼。大丈夫。人中尊。身不思議。無上身。歸命獲法身。歸命正法離欲尊。無上。善逝。具寂靜法身。歸命自覺智。歸命僧伽眾中尊。歸命四方尊聖不還大菩薩僧伽。

**（以上念誦三遍行皈依）**

一切諸佛菩薩善怙念我。某甲 XXX。為使如來氏族無中斷故。從今爾後。直至住於菩提藏。於任何時盡所有。向一切佛菩薩眾供獻自身，怙主具大悲眾祈納受我。

**（以上念誦三遍供自身）**

一切諸佛菩薩善怙念我。如往昔。善逝。應供。正等覺。佛。行菩薩行時。度脫一切眾生。解脫一切眾生。安慰一切眾生。畢竟寂滅一切眾生。為安置一切眾生。入遍知智。於如是無上正等正覺。發菩提心。某甲 XXX。為使如來氏族無中斷故。從今爾後。直至住於菩提藏。度脫一切眾生。解脫一切眾生。安慰一切眾生。畢竟寂滅一切眾生。為安置一切眾生。入遍知智。於如是無上正等正覺。發菩提心。如往昔諸佛世尊。大菩薩眾等。離一切物。斷蘊界觸。及能所執取。因法無我。平等性。自心本來無生。發起空性。自性菩提心。某甲 XXX。從今爾後。直至住於菩提藏。

皆發菩提心。如往昔。善逝。應供。正等覺。佛。摧破魔軍眾。成正等覺。某甲 XXX 。  
亦摧破一切魔軍眾。現證等覺。如往昔。善逝。應供。正等覺。佛。現證菩提而轉  
法輪。某甲 XXX 。亦成正等覺而遍轉法輪。如往昔。善逝。應供。正等覺。佛。現  
證菩提而廣集一切僧伽眾。某甲 XXX 。亦成正等覺廣集一切僧伽。

《入行論》云：

乃至菩提藏。皈依諸佛陀。亦依正法寶。菩薩諸聖眾。如昔諸善逝。先發菩提心。  
復此循序住。菩薩諸學處。如是為利生。我發菩提心。復於諸學處。次第勤修學。

（上文誦三次發菩提心）

隨喜功德 《入行論》云：

欣樂而隨喜。一切眾有情。息苦諸善行。得樂諸福報。隨喜積善行。彼為菩提因。  
隨喜眾有情。實脫輪迴苦。隨喜佛菩提。佛子地諸果。亦復樂隨喜。能與有情樂。  
發心福善海。及諸饒益行。

請轉法輪

我於十方佛。合掌誠祈請。為苦惑迷眾。燃亮正法燈。

請佛住世

知佛欲涅槃。合掌速祈請。住世無量劫。莫遺世間迷。

普願回向

如是諸觀行。所積一切善。以彼願消除。有情一切苦。  
乃至眾生疾。尚未療愈前。願為醫與藥。並作看護士。  
盼天降食雨。解除飢渴難。於彼災荒劫。願成充飢食。  
為濟貧困者。願成無盡藏。願諸資生物。悉現彼等前。

為利有情故。不吝盡施捨。身及諸受用。三世一切善。  
捨盡則脫苦。吾心成涅槃。死時既須捨。何若生盡施。  
吾既將此身。隨順施有情。一任彼歡喜。或常打罵殺。  
縱人戲我身。侵侮並譏諷。吾身既已施。云何復珍惜。  
一切無害業。令身盡順受。願彼見我者。悉獲眾利益。  
若人因見我。生起信憎心。願彼盡成為。成辦眾利因。  
願彼毀我者。及餘害我者。乃至辱我者。皆具菩提緣。  
路人無怙依。願為彼引導。並作渡者舟。船筏與橋樑。  
求島即成島。欲燈化為燈。覓床變作床。  
凡需僕從者。我願成彼僕。  
願成如意牛。妙瓶如意寶。明咒及靈藥。如意諸寶樹。  
如空及四大。願我得成為。無量眾有情。資生大根本。  
迨至盡空際。有情種種界。殊途悉涅槃。願成資生因。

### 敦請心續之理，如《小品般若經》所出之咒云：

答帝雅他 喻穆尼穆尼瑪哈穆尼耶梭哈（盡力誦持）

賢哲成就者噶瑪恰美所著之《裝藏安置論》中云：【一切傳承上師之心咒，喻啊薩耳瓦咕嚕吽梭哈，彼為一切心咒之攝集。】此咒仍需盡力誦持。如十地經第十品法雲品中，大光明灌頂而作思惟。

如是以稱名持咒之緣。十方一切諸佛如來應供正遍等覺及眷屬眾。皆從眉間白毫相及諸身處。出大光明。名具一切智性神通。無數光明以為眷屬。其光普照十方無餘

一切世界。右遶十種一切世間。顯示如來廣大遊戲開悟無量百千俱胝那庾多諸菩薩眾。一切佛刹六種震動。止息一切諸險惡趣死生輪轉。隱蔽一切諸魔宮殿。普示一切如來成道正覺之座。顯示一切諸佛眾會。莊嚴威德普遍照曜。極於法界盡虛空性諸世界已。時大光明。還來至此一切眾生壇城之上。周匝圍遶。顯示廣大莊嚴事畢。從一切眾生頂上而入。其眷屬光明亦各入彼諸眾生頂上。光入之時彼諸眾生各得百萬先所未得諸三摩地。是諸光明俱時入眾生頂已。則得名為於佛境界已受灌頂。若滿十力則墮正遍等正覺數。(作是思惟已)

### 誦念願文 《諸佛菩薩名號經》云：

願從今時乃至住於菩提藏。除非意願化身。時時刻刻。生生世世。於三惡道等。一切魔障。不生不墮。願於顛倒不善之業。不隨不造。願於業煩惱因。不隨不積。願解脫於下劣身。及一切苦果。後不再受。願從今時乃至住於菩提藏。三門善業。如流水相續不斷。願一切世。生往何處。皆具福樂圓滿。於利益一切眾生。具威神勢力。唯有如來得悟之無上菩提無疑成佛真實義。願得無錯謬而修。並於他人得以無誤示導。願從今時乃至住於菩提藏。皈依三寶。今奉自身。祈諸具大悲者。各自恆納受。如是三時。諸佛菩薩離一切物。等同不受蘊界觸所攝之法。無我。本來無生。以空性自性發菩提心。某甲 XXX。亦從今時乃至住於菩提藏。悉發菩提心。願與菩提心時刻不遺。大善知識恆不遠離。如彼三時。諸佛隨喜無上福德。某甲 XXX。亦隨喜一切世出世間福德。願我未來決定臨命終時。親見諸佛菩薩身相。彼舒右臂真金色手。摩於我頂。為我授記。我亦不為煩惱惑心。諸想合順法無我。於無量菩提心而命終。總之。一切障礙盡消除。福智資量皆圓成。為加被諸有情眾。願我迅即成正覺。

## 《月藏經》所云，聖教廣弘之實語。

我昔行苦行，為諸眾生故，捨己自身樂，令法久熾然。

我昔捨身命，為諸病人故，亦為貧眾生，令法久熾然。

我昔為菩提，捨財及妻子，寶象馬車乘，令法久熾然。

我昔供諸佛，緣覺及聲聞，父母諸師長，令法久熾然。

為聞菩提故，無量阿僧祇，備受種種苦，令法久熾然。

我修戒律儀，長夜常勤行，十方佛為證，令法久熾然。

我昔常忍辱，忍諸惡眾生，為眾除煩惱，令法久熾然。

我昔勤精進，堅固常伏他，度脫諸眾生，令法久熾然。

我修禪解脫，無色三摩提，恆沙不可數，令法久熾然。

我昔為般若，住在於閑林，演說無量論，令法久熾然。

我昔常憐愍，捨己身血肉，及捨身支節，為增正法眼。

我愍惡眾生，以慈而成熟，安置於三乘，增長正法施。

我昔智方便，度脫諸惡見，安置於正慧，法雨令不絕。

我昔以四攝，救度諸眾生，滅惡煩惱火，令四眾久住。

我昔除外道，諸惡邪見網，安置於正路，四眾得供養。

## 懺悔過失·請返回

不足與劣弱。任我癡昧心。自作或教作。於此祈安忍。

惡劫眾福薄。無名煩惱參。聖者意不滿。於此祈安忍。

持悞無嫻熟。劣供陳設薄。怙主具大悲。於此祈安忍。

放逸行不正。於經典儀軌。不行極迷惑。於此祈安忍。

餘剩及不足。儀軌支弱敗。吾之健忘等。於此祈安忍。

諸聖眾利益吾等諸不堪有情賜予大恩，復以悲憫吾等意趣數數駕臨。請返各各諸弟子土利益有情。

### 善業回向 聖者止貢云：

願吾及輪涅三時。本具積聚。一切善業。功德回向。一切有情。迅即證得。圓滿清淨。正等覺寶。願此善根。以身利益一切眾生。語利益一切眾生。意利益一切眾生。願煩惱貪欲之心不生。瞋恨之念不起。愚痴之意不至。我慢。忌妒。欲求。敬奉。聲譽。名望。此生心思不生。慈心。悲心。菩提心澤潤眾生心續。願大師善知識眾等似虛空。願我於此生得獲最勝大手印成就。臨終無有支截病苦。橫死非時死。得歡喜愉悅。與極明心性。瑩澈法性同行。願於臨終中陰必定獲得大手印成就。如是願成。如是願成。如是願成。

### 吉祥願文

最尊最上無上大勝師。法王如日如來而加被。  
寂滅魔害障難之怨敵。願具靈瑞晝夜恆吉祥。  
法性勝義無上尊勝法。真實正法甘露而加被。  
遠離過患福善盡增盛。願具靈瑞晝夜恆吉祥。  
功德珍寶輝耀聖僧眾。佛子利生勝義而加被。  
息滅煩惱苦痛憂惱敵。願具靈瑞晝夜恆吉祥。  
梵天帝釋護法所加被。利生而成天人之吉祥。  
福樂妙善如意念成就。願具弘壽無病與福樂。

於諸種必要因由，名為噶瑪巴之鄔金欽列多傑將藏地最初佛典古籍《諸佛菩薩名號經》以及寂天菩薩《入菩薩行論》、大成就者玲惹巴《上師供儀》、班禪洛桑卻堅《供師儀軌》、蔣貢上師羅卓泰耶《達波傳承上師供奉總儀》、大智哲米旁蔣揚南傑《釋迦佛供儀》、噶瑪夏瑪巴卻扎耶喜《十六羅漢儀軌》、些許薩迦大知識著作之顯乘儀軌等等，無教派分別大德祖師所著之儀軌文義，經拜閱而觀察揀擇，將符合目的與所詮之文結集成此《供奉上師儀軌》。編修於尊聖導師釋迦主，為符共士之因緣 10，向五比丘轉四諦法輪之聖地，波羅奈城鹿野苑，智慧金剛經堂。二零零五年。

指導上師：第十七世大寶法王噶瑪巴

翻譯群：堪布噶旺、噶瑪洛桑、堪布噶瑪秋竹、堪布羅卓丹傑、釋妙融。

註：以上諸經文引用大正藏經古譯版本、如石法師所譯之「入菩薩行論」、及文殊譯經會之「獻曼達儀軌」，其餘翻譯於菩提迦耶二零零六年初第二十三屆噶舉祈願大法會期間。

註 1：佛母寶德藏般若伽陀天品第十五卷。

註 2：在此指的是「博朵瓦」大師，本名仁千賽，(1031 至 1105 年)。他是「噶當三昆季」之一，也是噶當「經論宗」的開宗祖師。此句為其弟子集其語錄所編撰之《小冊青書》的本頌。噶當經論宗以六論為其宗旨，此六經論為：一、本生經。二、集法句經。三、菩薩地。四、大乘莊嚴經論。五、入菩薩行論。六、集學論。

註 3：名達波拉傑·索南仁欽(1079-1153)。人稱岡波巴大師。繼承馬爾巴、密勒日巴一派噶舉傳統，闡發宏揚成為達波噶舉體系的一代大師。

註 4：法王云：藏文「請啦」為聖化，亦即所謂的「加持」之意。

註 5：其名意為「頭盔直挺」。是香巴噶舉的大成就祖師瓊布南覺的六究竟弟子之一。其寺院座落於狀似頭盔般直挺挺之山前，故而得名。

註 6：亦名喜金剛、呼金剛、嘿嚕嘎等，為密宗無上部一本尊。

註 7：阿底峽(982-1054)意義殊勝，法名吉祥燃燈智。出生於東印度薩霍爾王室，原係超岩寺上座，土蕃王室後裔降曲畏殷重禮聘，至西藏傳播佛教。他攝顯密兩宗關要，合為修行次第。著有《菩提道炬論》等著作二十多種，對藏傳佛教後宏期起過重大作用，成為噶當派的祖師。

註 8：名為貝瑪多傑(1128-1188)。為玲惹噶舉之開宗者，也是竹巴噶舉之祖師。其所著作之此上師供儀符合密續教法，為眾人稱名共許。

註 9：歷史記載，此經為第二十八代土番朝時期，從天而降之經書。另一說法是由印度一位班智達大師攜帶入藏。為西藏最早的一部經典。

註 10：為了符合上士、中士、下士等一切士夫的善劫因緣。

大寶法王噶瑪巴官方中文網：<http://www.kagyuoffice.org.tw> 製作